

摘藻堂四庫全書薈要

經部

欽定四庫全書會要

經部

儀禮鄭註句讀卷十二

三



詳校官編修臣程嘉謨

欽定四庫全書薈要卷二千五十七

經部

儀禮鄭註句讀卷十二

濟陽張爾岐撰

士喪禮第十二

鄭目錄云士喪其父母自始死至於既殯之禮喪於五禮屬凶大戴第四

戴第八別錄第十二 疏云鄭直云士

喪父母不言妻與長子二者亦依士禮

士喪禮死於適室無用斂衾

適室正寢之室也疾者齊故于正寢焉疾時處北牖

下死而遷之南牖下有牀衾覆也斂衾大斂所用之衾衾被也小斂之衾當陳喪大記曰始死遷尸于牀無用斂衾去死衣 疾者齊以正性情故必於正寢若即安燕寢與側室者是不得其正君大夫士皆小斂一

衾大斂二衾始死大斂未至故且以其一覆尸至大斂則一以為薦一以為覆故註云大斂所并用之衾也不用小斂衾者以小斂時近其衾當陳故不用死衣病時所加新衣也 讎大吳反斂力艷反 復者一

人以爵弁服簪裳于衣左何之扱領于帶

復者有司招蒐復蒐也天

子則夏采祭僕之屬諸侯則小臣為之爵弁服純衣纁裳也禮以冠名服簪連也 復者招蒐使反檀弓所謂孝子盡愛之道有禱祀之心焉者是也復者人數多少各如其命之數士一命故一人簪裳于衣連緹其裳于衣之下也扱領于帶者平疊衣裳使領與帶齊并何於左臂以便升屋也夏采祭僕周禮二官名掌復事者但用純衣纁裳不用爵弁而云爵弁服是 以冠名其服也 簪側林反純側其反 升自前東榮中

屋北面招以衣曰臯某復三降衣于前

北面招求諸幽之義也臯長聲

也某死者之名也復反也降衣下之也喪大記曰凡復男子稱名婦人稱字 榮屋翼也復聲必三者禮成于

三前謂前擔

中如字

受用篚升自阼階以衣尸

受者受之於庭也復者其一人

招則受衣亦一人也人君則司服受之衣尸者覆之若得窆反之 此復衣以覆尸浴則去之不以襲斂衣

於既反

復者降自後西榮

不由前降不以虛反也降因徹西北扉若云此室凶不可居然

也自是行死事 註言徹西北扉蓋以喪大記云將沐甸人取所徹廟之西北扉薪用之故云復者降時徹之

其為說近誣

扉扶味反

右復窆復者猶冀其生復而不生始行死事

楔齒用角柶

為將含恐其口閉

綴足用燕几

綴猶拘也為將履恐

其辟戾也。今文綴為對。案記云：綴足用燕几，校在南。御者坐持之。註云：校脛也。尸南首，几脛在南，以拘足，則不得辟戾矣。是几兩頭有脛，側立此几，並排兩足於兩脛之間，以夾持之也。綴，丁劣反。奠脯醢醴

酒升自阼階奠于尸東。

鬼神無象，設奠以憑依之。案檀弓曾子曰：始死之奠，其餘閣

也。與餘閣者，閣中之餘食也。疏以為無過一豆一籩醴酒亦科用其一。

帷堂

事小記也。案檀弓曾子

曰：尸未設飾，故帷堂小斂而撤帷。以此時尚未襲斂，暫帷堂以為蔽。故鄭云：事小記。

右事死之初事喪禮凡二大端一以奉體魄一以事

精神楔齒綴足奉體魄之始奠脯醢醴事精神之始也

乃赴于君主入西階東南面命赴者拜送

赴告也。臣君之股肱耳目

死當有恩

大夫以上父

有賓則拜之

賓僚友羣士也其位猶朝夕哭

兄命赴者士則主人親命

矣因命赴遂拜賓不然則不出疏曰云其位猶朝夕

哭矣者謂賓弔位猶如賓朝夕哭位其主人之位則異

於朝夕而在西階東南面拜之拜訖西階下東面

下經所云拜大夫之位是也朝夕哭位詳見後

右使人赴君

入坐于牀東衆主人在其後西面婦人俠牀東面

衆主人庶

昆弟也婦人謂妻妾子姓也亦適妻在前

入坐云

親

者承上文出命赴拜賓訖復入此位也

俠古洽反

者在室

謂大功以上父兄姑

衆婦人戶外北面衆兄弟

堂下北面

衆婦人衆兄弟小功以下

右主人以下室中哭位愚案主人哭位唯小斂以前
在此小斂後則在階下矣

君使人弔徹帷主人迎于寢門外見賓不哭先入門右

北面

使人士也禮使人必以其爵使者至使人入將命乃出迎之寢門內門也徹帷屨之事畢則下之

屨據反

弔者入升自西階東面主人進中庭弔者致命

主人

不升賤也致命曰君聞子之喪使某如何

主人哭拜稽

顙成踊

稽顙頭觸地成踊三者三

賓出主人拜送于外門外

右君使人弔記曰尸在室有君命衆主人不出

君使人綖徹帷主人如初綖者左執領右執要入升致

命

綖之言遺也衣被曰綖致命曰君使某綖 疏曰云主人如初者如上弔時迎于寢門外以下之事也

主人拜如初綖者入衣尸出主人拜送如初

疏曰云主人拜如

初者亦如上主人進中庭哭拜稽顙成踊唯君命出升降自西階遂拜賓有

大夫則特拜之即位于西階下東面不踊大夫雖不辭

入也

唯君命出以明大夫以下時來弔綖不出也始喪之日哀戚甚在室故不出拜賓也大夫則特拜別

於士旅拜也即位西階下未忍在主人位也不踊但哭拜而已不辭而主人升入明本不為賓出不成禮也

右君使人綖疏云君綖雖在襲前襲與小斂俱不得

用大斂乃用之

親者祔不將命以即陳

大功以上有同財之義也不將命不使人將之致於主人也即

陳陳在房中

庶兄弟祔使人以將命于室主人拜于位委衣

于尸東牀上

庶兄弟即衆兄弟也變衆言庶容同姓耳將命曰某使某祔拜于位室中位也委

衣者將命者委之也

朋友祔親以進主人拜委衣如初退哭不踊

親以進親之恩也退下堂反賓位也主人徒哭不踊別於君祔也委衣如初如其于尸東牀上委之者朋友

也徹衣者執衣如祔以適房

凡於祔者出有司徹衣疏曰執衣如祔者上文君

祔之時祔者左執領右執要此徹衣者亦左執領右執要故云如祔也

右親者庶兄弟朋友祿

為銘各以其物亡則以緇長半幅經末長終幅廣三寸

書銘于末曰某氏某之柩

銘明旌也雜帛為物大夫之所建也以死者為不可別故

以其旗識識之愛之斯錄之矣亡無也無旗不命之士也半幅一尺終幅二尺在棺為柩今文銘為旆也經

丑貞

竹杠長三尺置于宇西階上

杠銘槿也宇招也宇檐下也疏云此始

造銘且置宇下西階上待為重訖置于重卒塗殯置于肆

槿丈江反

右為銘

甸人掘坎于階間少西為墜于西牆下東鄉

甸人有司主田野者

墜塊竈西牆中庭之西今文鄉為面坎以埋沐浴餘
潘及巾栢等塊竈以煮潘水掘其物反墜音役鄉許

亮新盆槃瓶廢敦重鬲皆濯造于西階下新此瓦器五種者重死事

盆以盛水槃承湏濯瓶以汲水也廢敦敦無足者所以
盛米也重鬲鬲將縣於重者也濯滌溉也造至也猶饌

也以造言之喪事遽槃承湏濯置尸牀下
承之敦音對重直容反鬲音歷造七到反

右沐浴含飯之具陳於階下者

陳襲事于房中西領南上不績襲事謂衣服也績讀為

下不屈江沔之間謂縈收繩索為績古文績皆為精
不績者以衣裳少單行列去可盡不須屈轉重列也

績註作縈側庚反明衣裳用布所以親身髻笄用桑長四寸纓

中 桑之為言喪也。用為笄，取其名也。長四寸，不冠，故也。
纓，笄之中央，以安髮。鬢，髻也。會，聚其髮也。纓中者，

兩頭濶，中央狹，則於髮安也。鬢音臄，纓音憂。布巾環幅不鑿，環幅廣袤等也。不鑿者，士之子

親舍反，其巾而已。大夫以上，賓為之，合當口鑿之，嫌有惡。古文環作還。布巾為飯合而設，所以覆死者面。

廣古曠反。

袤音茂。

掩練帛廣終幅長五尺，析其末。

掩，裹首也。析其末為將結。

於頤下又還結於項中。

瑱用白纊。

瑱，充耳纊，新綿。瑱他見反。

幘，目用緇方尺。

二寸，經裏著組繫。

幘，目覆面者也。幘讀若詩曰葛藟縈之。縈，經赤也。著，充之以絮也。組，繫

為可結也。於後結之。

四方有繫。幘音縈。

握手用玄纁，裏長尺二寸，廣五

寸，牢中旁寸著組繫。

牢，讀為樓，樓謂削約握之中央，以安手也。今文樓為纓，旁為方，牢。

中旁寸者削約其中一段之兩旁各一寸兩頭
皆廣五寸中央容四指處廣三寸也 牢音樓 決用正

王棘若擇棘組繫續極二

決猶圍也挾弓以橫執弦詩
云決拾既飲正善也王棘與

擇棘善理堅刃者皆可以為決極猶放弦也以沓指放

弦令不挈指也生者以朱韋為之而三死用續又二明

不用也古文王為三今文擇為澤世俗謂王棘砭鼠

決著于右手巨指極冒於食指中指無名指皆射所用

具備之以象生平組繫極

冒緇質長與手齊經殺掩足

之繫也 擇音澤 砭音託

冒韜尸者制如直囊上曰質下曰殺質正也其用之先

以殺韜足而上後以質韜首而下齊手上玄下纁象天

地也喪大記曰君錦冒黼殺緇旁七大夫玄冒黼殺緇

旁五士緇冒經殺緇旁三凡冒質長與手齊殺三尺

緇旁者緇質與殺相接之處使

爵弁服純衣

謂生時爵
弁所衣之

相連也 冒亡報反殺所界反

服也純衣者纁裳古者以冠名服死者不冠
爵弁服即士之常服以助祭者也 純莊其反 皮弁服

皮弁所衣之服也其服白布衣素裳也 皮弁者於
天子為視朝之服諸侯大夫士則為視朔之服也 祿

衣 黑衣裳赤緣之謂祿祿之言緣也所以表袍者也喪
大記曰衣必有裳袍必有表不禫謂之一稱古文祿

為緣 疏云此祿衣則玄端又云連衣裳以其用之以

表袍袍連衣裳故也又引雜記子羔襲用稅衣纁衽曾

子曰不襲婦服則此祿衣不用赤緣註云赤

緣之謂祿者只證其名同耳 祿他亂反 緇帶 黑緇

疏云上陳三 鞅鞅 一名緇鞅 合赤韋為之故名鞅

服同用一帶 鞅亦名緇鞅三服其設鞅鞅亦如

帶矣 鞅音妹 鞅古 竹笏 笏所以書思對命者玉藻曰

答反 緇音溫 鞅音弗 笏天子以璆玉諸侯以象大

夫以魚須文竹士以竹本象可也又曰笏度二尺有六

寸其中博三寸其殺六分而去一又曰天子指珉方正

於天下也諸侯茶前誦後直讓於天子也
大夫前誦後誦無所不讓今文笏作忽

夏葛屨冬白

屨皆縹緇約純組綦繫于踵

冬皮屨變言白者明夏時用葛亦白也此皮弁之屨

士冠禮曰素積白屨以魁柎之緇約縹純純博寸綦屨

係也所以拘止屨也綦讀如馬絆綦之綦按士冠禮

云素積白屨此皮弁之屨也疏云三服相參帶用玄端

屨用皮弁鞣鞣用爵弁各用其一以當三服又云縹謂

條在牙底相接之縫中約在屨鼻純謂緣口皆以

條為之縹於力反綦音其約其于反柎方于反庶縹

繼陳不用庶衆也不用不用襲也多陳之為榮少納之

為貴庶縹親者庶兄弟朋友所縹繼陳謂

繼襲衣之下陳之此不用以襲至小

斂則用之唯君縹至大斂乃用也

右陳襲事所用衣物于房中

貝三實于筭

貝水物古者以爲貨
江水出焉筭竹器名

稻米一豆實於筐

四豆

升

沐巾一浴巾二皆用綌於筭

巾所以拭汗垢浴巾二
者上體下體異也綌鹿麕

葛

疏云此士禮上下同用綌
玉藻云浴用二巾上絺下綌

據大夫以上

櫛於篔

篔篔筭

衣於篔

浴衣已浴所衣之衣以布爲之其制
如今通裁浴衣既浴著之以晞身

皆饌于西

序下南上

皆者皆貝以下東西牆
謂之序中以南謂之堂

右沐浴飯舍之具陳于序下者

管人汲不說繻屈之

管人有司主館舍者不說繻將以
就祝濯米屈縈也喪事遽故汲

水者不解脫其縈但縈屈
之往就用處縈君必反

祝浙米于堂南面用盆

祝夏
祝也

浙沃也 管人盡階不升堂受潘煮于釜用重鬲

盡階三等之上喪大

記曰管人受沐乃煮之甸人取所徹廟之西北扉薪爨之 潘浙米汁所用以沐者也 潘芳元反 祝盛

米于敦奠于貝北

復於筐處也 盛音成

士有冰用夷槃可也

謂夏

月而君加賜冰也夷槃承尸之槃喪大記曰君設大槃造求焉大夫設夷槃造冰焉士併瓦槃無冰設牀禮第有枕 夷槃造冰本大夫禮君加賜有冰則用夷槃可也造猶內也 禮之善反第莊矣反 外御受

沐入

外御小臣侍從者 沐管人所煮潘也

主人皆出戶外北面

象生平沐浴裸程子

孫不在旁主人出而禮第

禮第去席盪水便也

乃沐櫛拒用巾

拒睇也清也 古文拒皆作

振 疏云拒謂拭也櫛訖又以巾拭髮拭訖仍未作紒待蚤揃訖乃髻用組是其次也 拒之慎反揃同翦

浴用巾拒用浴衣

浴用巾用拭之也喪大記曰御者二人浴浴水用盆沃水用料料音主

湏濯棄于坎

沐浴餘潘水中擗浴衣亦并棄之古文湏作綠荆汚之間語

蚤揃如他

日 蚤讀為爪斷爪揃鬚也人君則小臣為之他日平生時 蚤字一讀如云蚤則揃之揃鬚雖本喪大記恐

非此處經意 蚤音爪

髻用組乃筭設明衣裳

用組組束髮也

古文髻皆為括 疏云髻紛乃可設明衣以蔽體是其次也

主人入即位

已設明衣可以入也

右沐浴

商祝襲祭服祿衣次

商祝祝習商禮者商人教之以敬於接神宜襲布衣牀上祭服爵弁

服皮弁服皆從君助祭之服大蜡有皮弁素服而祭送終之禮也襲衣於牀牀次舍牀之東社如初也喪大記

日舍一牀襲一牀遷尸於堂又一牀此但布衣牀上尚未襲而云襲者衣與衣相襲而布之也其布衣先祭服次祿衣至襲于尸則主人出南面左袒扱諸面之右祿衣近明祭服在外

盥于盆上洗貝執以入宰洗柶建于米執以從

俱入尸西鄉也

今文宰不言執扱諸面之右面前也謂袒左袖扱於右腋之下帶之內盆即前浙米盆盥手洗貝洗柶并於其上洗貝執以入洗訖還於筭內執以入宰洗柶建于米亦於廢鼓之內建之商祝執巾從入

當牖北面徹枕設巾徹楔受貝奠于尸西

當牖北面直尸南也設巾

覆面為飯之遺落米也如商祝之事位則尸南首明矣疏曰云受貝者就尸東主人邊受取筭貝從尸南過奠尸西牀上以待主人親舍也主人由足西牀上坐東面

不敢從首前也祝受貝米

奠之口實不由足也。祝受貝由尸南奠尸西故主人空手由足過。祝又受米奠于貝北宰

從立于牀西在右

朱在貝北便扱者也宰立牀西在主人之右當佐飯事。祝於宰邊受米訖宰

亦從主人由足而西

主人左扱米實于右三實一貝左中亦如之又

實米唯盈

于右尸口之右唯盈取滿而已。疏云右謂口東邊也。

主人襲反位

襲復衣也

位在尸東

右飯含

商祝掩瑱設幙目乃屨綦結于跗連紃

掩者先結頤下既瑱幙目乃還結項

也跗足上也。紃屨飾如刀衣鼻在屨頭上以餘組連之止足圻也。疏云掩有四腳後二腳先結頤下待設瑱塞耳

并設幘目乃結項後也連約者屨繫既結以餘組穿連兩屨之約使兩足不相離也

跗芳于反

乃襲三

稱

遷尸於襲上而衣之凡衣死者左衽不組襲不言設牀

又不言遷尸於襲上以其居當牖無大異

三稱爵弁

服皮弁服祿衣也上文巴布之含東牀上今飯舍訖乃遷尸就其上而衣之也左衽不組出喪大記衽鄉左反生時也不組謂束畢結之示

不復解也

稱尺證反

明衣不在算

算數也不在數明衣禪衣不成稱也

註

疏皆以明衣禪不成稱故不算愚謂此親體之衣非法服故不算也

設鞆帶措笏

鞆帶鞆鞆鞆帶不言

鞆緇者省文亦欲見鞆自有帶鞆帶用革措挿也挿於帶之右旁古文鞆為合也

疏云生時緇帶以束衣革帶以

佩戴玉之等生時有二帶死亦備此二帶

設決麗于擊自飯持之設握乃連擊

麗施也擊手後節中也飯大擘指本也決以韋為之籍有

樞樞內端為紐外端有橫帶設之以紐環大擘本也因沓

其彊以橫帶貫紐結於擊之表也設握者以綦繫鉤中指由手表與決帶之餘連結之此謂右手也古文麗亦為連擊作挽其左手無決者則下記云設握裏親膚繫鉤中指結于擊是也擊烏亂反彊苦侯反掇音患

設冒橐之幪用衾

橐韜盛物者取事名焉衾者始死時斂衾今文橐為橐

橐古刀反

巾

柶鬢蚤埋于坎

坎至此築之也將襲辟奠既則反之巾柶用以飯含者鬢亂髮蚤手足爪辟

奠即始死之奠設于尸東者方襲時辟之襲訖則反之尸東此奠襲後又名襲奠

鬢音舜

右襲尸

重木刊鑿之甸人置重于中庭三分庭一在南

木也懸物焉曰

重刊斲治鑿之為縣簪孔也士重木長三尺設重以依神以其木有物懸于下相重累故得重名即下文二

鬲粥也參分庭一在南者其置重處當中庭三分之一而在其南其北一分其南二分也據既夕篇置重如初疏云亦如上篇三分庭一在南二在北而置之是置重處在中庭近南愚謂重以依神若置之近南殆若推而遠之矣且參分庭句一在南句亦覺不文案本經言參分庭一在南者不一其自外入而言參分庭一在南者据外而言近南者也其自內出而言參分庭一在南者据內而言近北者也重固自內出者也

夏祝鬻

餘飯用二鬲于西牆下

夏祝祝習夏禮者也夏人教以忠其於養宜鬻餘飯以飯尸餘

米為鬻也重主道也士二鬲則大夫四諸侯六天子八與盥同差 上文甸人為竈西牆下至此夏祝以飯尸餘米煮為粥 而盛于鬲 罍用疏布久之繫用鞅縣于重罍用葦席

北面左衽帶用鞅賀之結于後

久讀為灸謂以蓋塞鬲口也鞅竹筥也以席覆

重辟屈而反兩端交於後左社西端在上賀加也古文
冪皆作密以粗布爲冪之冪塞令堅固可久以竹筥
爲索繫冪貫重木簪孔中而懸之又以葦席北向掩重
東端爲下向西西端爲上向東又以竹筥爲帶加束之
而結于後 鞞圖解鞞筴通張鳳 祝取銘置于重
翔本鞞音今字彙音琴筥音筴 祝習
也者

右設重以上並始死之日所用之禮

厥明陳衣于房南領西上績絞橫三縮一廣終幅折其

末

績屈也絞所以收束衣服爲堅急者也以布爲之縮
從也橫者三幅從者一幅折其末者令可結也喪大

記曰絞一幅爲三

厥明者繼昨日而言死之第二

日也此下爲將小斂陳其衣物奠牲 從子容反 緇

衾頰裏無統

統被識也。斂衣或倒被無別於前後可也。凡衾制同皆五幅也。統丁感反。

祭

服次

爵弁服皮弁服

散衣次

祿衣以下袍繭之屬

凡十有九稱

祭服與散衣

陳

衣繼之

庶

不必盡用

取稱而已不務多。盡津恣反。

右陳小斂衣

饌于東堂下脯醢醴酒冪奠用功布實于簞在饌東

功布

鍛濯灰治之布也。凡在東西堂下者南齊古文奠為尊。坫在堂隅。

設盃盥于饌東有

巾

為奠設盥也。喪事略故無洗也。為設奠人設。

右饌小斂奠及設東方之盥

苴經大馬下本在左要經小馬散帶垂長三尺牡麻經

右本在上亦散帶垂皆饌于東方

苴經斬衰之經也苴麻者其貌苴以爲經

服重者尚麤惡經之言實也鬲搯也中人之手搯圍九寸經帶之差自此出焉下本在左重服統於內而本陽

也要經小焉五分去一牡麻經者齊衰以下之經也牡

麻經者其貌易服輕者宜差好也右本在上服輕本於

陰而統於外散帶之垂者男子之道文多變也饌于東

方東站之南苴經爲上疏云此小斂經有散麻帶垂

之至三日成服統之婦人初而統之與小功以下男子

同饌于東方堂上站南非堂下也鬲音革差初賣反

婦人之帶牡麻結本在房

婦人亦有苴經但言帶者記其異此齊衰婦人斬衰婦人

亦有苴

經也

經也

右陳小斂經帶

牀第夷衾饌于西北南

第簣也夷衾覆尸之衾喪大記曰自小斂以往用夷衾夷衾質

殺之裁猶冒也

夷衾之制如作冒者上以緇爲質下以經爲殺但連而裁之爲不同耳

西方盥如

東方

爲舉者設盥也如東方者亦用盆布中饌於西堂下舉者爲將舉尸者

右陳牀第夷衾及西方之盥

陳一鼎于寢門外當東塾少南西面其實特豚四鬣去

蹄兩胎脊肺設扃竈竈西末素俎在鼎西西順覆七東

柄鬣解也四解之殊肩髀而已喪事略去蹄去其甲爲不潔清也胎脅也素俎喪尚質既饌將小斂則辟襲

奠今文髣爲剔胎爲迫古文鼎爲密疏云辟襲奠亦當於室之西南隅如將大斂辟小斂奠於序西南也

髣他歷反胎音博

右陳鼎實 以上小斂待用衣物計五節

士盥二人以並東面立于西階下

立俟舉尸也今文竝爲併舉尸謂從襲

牀遷尸於戶內服上

布席于戶內下莞上簟

有司布斂席也

商祝布絞衾

散衣祭服祭服不倒美者在中

斂者趨方或僨倒衣裳祭服尊不倒之也美善

也善衣後布於斂則在中也既後布祭服而又言善者在中明每服非一稱也按疏云斂衣半在尸上是有

藉者有覆者既云十九稱取法天地之終數當以十爲藉九爲覆也其斂法於戶內地上市席席上市絞衾絞

衾上布衣遷尸衣上復用衣加尸上乃結絞衾也

士舉遷尸反位

遷尸於服上

設牀

第于兩楹之間衽如初有枕

衽寢卧之席也亦下莞上簟此牀待斂後俛尸衽

如初如戶內之莞簟也

卒斂徹帷

尸已飾

主人西面馮尸踊無算主

婦東面馮亦如之

馮服膺之馮音憑下同

主人髻髮袒衆主人免

于房

始死將斬衰者雞斯將齊衰者素冠今至小斂變又將初喪服也髻髮者去筭纒而紒衆主人免者

齊衰將袒以免代冠冠服之尤尊不以袒也免之制未聞舊說以為如冠狀廣一寸喪服小記曰斬衰髻髮以

麻免而以布此用麻布為之狀如今之著慘頭矣自項中而前交於額上卻繞紒也于房于室釋髻髮宜於隱

者今文免皆作統古文髻作括髻音括免音問統音問

婦人髻于室

始死婦人將斬衰者去筭

而纚將齊衰者骨笄而纚今言髻者亦去笄纚而紒也
齊衰以上至笄猶髻髻之異於髻髮者既去纚而以髮
為大紒如今婦人露紒其象也檀弓曰南宮縚之妻之
姑之喪夫子誨之髻曰爾母縱縱爾爾母扈扈爾其用
麻布亦如著慘頭

士舉男女奉尸俛于堂幰用夷衾男

然髻側瓜反

女如室位踊無算

俛之言尸也夷衾覆尸柩之衾也堂謂楹間牀第上也今文俛作夷疏

云初死幰用大斂之衾以小斂之衾當陳今小斂後大斂之衾當擬大斂故用覆棺之夷衾以覆尸也

俛音

夷

主人出于足降自西階衆主人東即位婦人阼階上

西面主人拜賓大夫特拜士旅之即位踊襲經于序東

復位

拜賓鄉賓位拜之也即位踊東方位襲經于序東東夾前主人降西階拜賓訖嚮東方阼階下即

西面位踊踊訖襲經主人
至此始即阼階下位也

右小斂俛尸及主人主婦袒髻免髻襲經之節

乃奠

祝與執事為之

舉者盥右執匕卻之左執俎橫攝之入阼

階前西面錯錯俎北面

舉者盥出門舉鼎者右人以右手執匕左人以左手執俎因其

便也攝持也西面錯錯鼎於此宜西面錯俎北面俎宜西順之

錯七故反下同 右人左執匕

抽扃予在手兼執之取鼎委于鼎北加扃不坐

抽扃取鼎加扃

於鼎上皆右手今文扃為鉉古文予為于鼎為密

乃柶載載兩髀于兩端兩肩

亞兩肱亞脊肺在於中皆覆進柶執而俟

乃柶以柶次出牲體右人

也載受而載於俎左人也亞次也凡七體皆覆爲塵祇
本也進本者未異於生也骨有本末古文杞爲匕髀爲
脾今文肫爲迫祇皆爲胙 皆覆謂牲體
皆覆設之 杞必李反祇丁計反胙音帝 夏祝及執事

盥執醴先酒脯醢俎從升自阼階丈夫踊甸人徹鼎巾

待於阼階下

執事者諸執奠事者巾功布也執者不升已不設祝既錯醴將受之

奠于尸

東執醴酒北面西上

執醴酒者先升尊也立而俟後錯要成也

豆錯俎錯于

豆東立于俎北西上醴酒錯于豆南祝受巾巾之由足

降自西階婦人踊奠者由重南東丈夫踊

巾之爲塵也東反其位

立于俎北西上奠豆俎之人也俟祝畢事同由足降自西階疏云主人位在阼階下婦人位在上故奠者升丈

夫踊奠者降婦人踊各以所見先後爲踊之節也奠者由重南東丈夫踊者奠者奠訖主人見之更與主人爲踊節也又以其重主道神所憑依故必由重南東過是以主人又踊也

賓出主人拜送于

門外

廟門外也 此賓爲小斂來者註云廟即此適室蓋以鬼神所在則曰廟故名適寢爲廟也

右小斂奠

乃代哭不以官

代更也孝子始有親喪悲哀憔悴禮防其以死傷生使之更哭不絕聲而已人

君以官尊卑士賤以親疏爲之三日之後哭無時周禮摯壺氏凡喪縣壺以代哭 喪大記君喪縣壺乃官代

哭大夫官代哭不縣

壺士代哭不以官

此小斂後節哀之事

有祔者則將命擯者出請入告主人待于位

喪禮略於威儀既小

飲擯者乃用辭出請之

辭曰孤某使某請事

擯者出告須以賓入

須亦待也出告之辭

曰孤某

須矣

賓入中庭北面致命主人拜稽顙賓升自西階

出于足西面委衣如於室禮降出主人出拜送

如於室禮亦

委衣尸東牀上也

朋友親祔如初儀西階東北面哭踊三降主

人不踊

朋友既委衣又還哭於西階上不背主人

隧者以褶則必有裳執衣

如初徹衣者亦如之升降自西階以東

帛為褶無絮雖復與禪同有裳

乃成稱不用表也以東藏以待事也古文褶為襲執衣如初謂左執領右執要如君祔時

褶音牒

右小斂後致禭之儀 以上皆親喪第二日禮

宵為燎于中庭

宵夜也燎大燄 按下記云既襲宵為燎于中庭是未殯前夜皆設燎也 燎

力召 厥明滅燎陳衣于房南領西上績絞給衾二君禭

祭服散衣庶禭凡三十稱給不在算不必盡用

給單被也衾二

者始死斂衾今又復制也小斂衣數自天子達大斂則異矣喪大記曰大斂布絞縮者三橫者五 給其鳩反

東方之饌兩瓦甒其實醴酒角解木柶豆兩其實葵

道芋羸醢兩邊無膝布巾其實粟不擇脯四脰

此饌但言東方

則亦在東堂下也髡白也齊人或名全道為芋膝緣也詩云竹柶緄膝布巾邊巾也邊豆具而有巾盛之也特

牲饋食禮有籩中今文羸為蝸古文滕爲甸
反駢音曷羸力禾反滕大登反脰大頂反緄古本反
甌七甫

奠席在饌北斂席在其東

大斂奠而有席彌神之

掘肆見衽

肆理棺之

坎也掘之於西階上衽小要也喪大記曰君殯用輅攢至于上畢塗屋大夫殯以幬攢置于西序塗不暨于棺士殯見衽塗上帷之又曰君蓋用漆三衽三束大夫蓋用漆二衽二束士蓋不用漆二衽二束見衽者其所掘坎淺深之節也衽小要也所以聯合棺蓋縫者今謂之銀錠扣見衽者坎不沒棺其衽見於上註引喪大記三衽三束謂每一面三處用衽又以皮三處束之也肆以二反衽而甚反要一遙反輅喪大記音春攢在官

反棺入主人不哭升棺用軸蓋在下

軸洪軸也輅狀如林軸其輪輓而行

輅九勇反

熬黍稷各二筐有魚腊饌于西站南

熬所

蚍蜉令不至棺旁也為舉者
設盃盥於西 熬五刀反

陳三鼎于門外北上豚合

升魚鱠鮒九腊左胖髀不升其他皆如初

合升合左右體升於鼎其

他皆如初謂豚體及匕俎之陳如小斂時合升四鬣亦相互耳 鱠市轉反鮒音附胖音判

燭俟于

饌東

燭燹也饌東方之饌有燭者堂雖明室猶闇火在地曰燎執之曰燭

右陳大斂衣奠及殯具

祝徹盥于門外入升自阼階丈夫踊

祝徹祝與有司當徹小斂之奠者小

斂設盥于饌東有巾大斂設盥于門外彌有威儀 祝徹謂祝與徹二事乏人疏云陳大斂饌訖當設盥於門

外 祝徹巾授執事者以待

授執巾者於尸東使先待於阼階下為大斂奠又將巾之

祝還徹醴也 巾覆小斂奠者也今
徹奠故先徹巾待設大斂奠復用之 徹饌先取醴酒北

面

北面立相待俱降

其餘取先設者出于足降自西階婦人踊設

于序西南當西榮如設于堂

爲求神於庭孝子不忍使其親須臾無所馮依也堂

謂尸東也凡奠設于序西南者畢事而去之 疏云禮但將設後奠則徹先奠於西序南後奠事畢則去之 西

酒位如初執事豆北南面東上

如初者如其醴酒北面西上也執醴尊不爲便

事變位 醴酒執醴執酒之人執事執豆俎之人立于豆北相待設酒醴訖同東適新饌也

乃適饌

東方之新饌 執事者適新饌處以待事

右徹小斂奠

帷堂

徹事畢

斂將遷尸故帷之

婦人尸西東面主人及親者升

自西階出于足西面袒

袒大斂變也不言髻免髻髮小斂以來自若矣

士盥位

如初

亦既盥竝立西階下

布席如初

亦下莞上簟鋪於阼階上於楹間爲少南

商祝布

絞衾衾衣美者在外君襚不倒

至此乃用君襚主人先自盡

有大夫

則告

後來者則告以方斂非斂時則當降拜之

註解

至者則升自西階北面視斂如記所陳也

士舉遷尸復位主人踊無算卒斂

徹帷主人馮如初主婦亦如之

疏曰士舉遷尸謂從尸外夷牀上遷尸於斂上

右大斂

主人奉尸斂于棺踊如初乃蓋

棺在肆中斂尸焉所謂殯也檀弓曰殯于客位

主人降拜大夫之後至者北面視肆

北面於西階東

衆主人復

位婦人東復位

阼階上下之位

設熬旁一筐乃塗踊無算

以木覆棺

上而塗之

爲火備

卒塗祝取銘置于肆主人復位踊襲

爲銘設相樹之

東肆

右殯

乃奠燭升自阼階祝執巾席從設于奧東面

執燭者先升堂照室

自是不復奠於尸祝執巾與執席者從入爲安神位室中西南隅謂之奧執燭南面巾委於席右

祝反

降及執事執饌

東方之饌

士盥舉鼎入西面北上如初載魚

左首進鬻三列腊進抵

如初如小斂舉鼎執匕俎局鼎祀載之儀魚左首設而在南鬻

脊也左首進鬻亦未異於生也凡未異於生者不致死也古文首為手鬻為耆疏云案公食右首進鬻此云

左首則與生異而云亦未異於生者彼公食言右首據席而言此左首據載者而言若設於席則亦右首也

鬻巨之反祝執醴如初酒豆邊俎從升自阼階丈夫踊甸人

徹鼎如初祝先升

奠由楹內入于室醴酒北面

亦如初

設豆右

菹菹南栗栗東脯豚當豆魚次腊特于俎北醴酒在邊

南巾如初右菹菹在醴南也此左右異於魚者載者統於執設者統於席醴當栗南酒當脯南註

載者二句言方其載俎時則以執者之左右
爲左右及設於席則以席之左右爲左右也
既錯者出

立于戶西西上祝後闔戶先由楹西降自西階婦人踊

奠者由重南東丈夫踊爲神馮依之也

闔戶臘反

右大斂奠

賓出婦人踊主人拜送于門外入及兄弟北面哭殯兄

弟出主人拜送于門外小功以下至此可以衆主人出

門哭止皆西面于東方闔門東方門外之東方主人

闔門內人闔廟門

揖就次次謂斬衰倚廬齊衰至室也大功有帷帳小功

總麻有牀第可也

揖就次相揖各就其次也

聖於

各反

右大斂畢送賓送兄弟及出就次之儀

君若有賜焉則視斂既布衣君至

賜恩惠也斂大斂君視大斂皮弁服襲裘

主人成服之後往則錫衰

主人出迎于外門外見馬首不哭還入門

右北面及衆主人袒

不哭厭於君不敢伸其私思

巫止于廟門外祝

代之小臣二人執戈先二人後

巫掌招彌以除疾病小臣掌正君之法儀者周

禮男巫王弔則與祝前喪祝王弔則與巫前檀弓曰君臨臣喪以巫祝桃茢執戈以惡之所以異於生也皆天子之禮諸侯臨臣之喪則使祝代巫執茢居前下天子也小臣君行則在前後君升則俠阼階北面凡宮有鬼

神曰君釋采入門主人辟釋采者祝為君禮門神也必禮門神者明君無故不來也

禮運曰諸侯非問疾弔喪而入諸臣之家是謂君臣為諶采七代反君升自阼階西鄉

祝負墉南面主人中庭祝南面房中東鄉君墻謂之墉主人中庭進益北祝相君之

禮故須鄉君君哭主人哭拜稽顙成踊出出不敢必君之卒斂事君命

反行事主人復位大斂事君升主人主人西楹東北面命主

人使之升升公卿大夫繼主人東上乃斂公大國之孤四命也春秋傳曰吾公

在壑谷繼主卒公卿大夫逆降復位主人降出逆降者後

升者先降位如朝夕哭弔之位疏云卒者謂卒斂也主人降出者亦是不敢久留君出謂主人出鄉門外立

君反主人主人中庭君坐撫當心主人拜稽顙成踊出

撫手案之凡馮尸

與必踊今文無成

君反之復初位衆主人辟于東壁南

面

以君將降也南面則當北之東
疏云初位即中庭位

辟婢亦反

君降西鄉命主人

馮尸主人升自西階由足西面馮尸不當君所踊主婦

東面馮亦如之

君必降者欲孝子盡其情
當君所不當君所撫之處也

不奉尸斂

于棺乃蓋主人降出君反之入門左視塗

肆在西階上
入門左由便

趨疾不敢
久留君

君升即位衆主人復位卒塗主人出君命之

反奠入門右

亦復中庭位 衆主人復位自東復阼階
下位註亦復中庭位釋入門右謂在門右

南北當

中庭也

乃奠升自西階

以君在阼 疏云凡奠皆升自阼階為君在阼故辟之而升西

階也

君要節而踊主人從踊

節謂執奠始升階及既奠由重南東時也

卒奠主

人出哭者止

以君將出不敢謹噐聒尊者也

君出門廟中哭主人不哭

辟君式之

辟逋道辟位也古者立乘式謂小俛以禮主人也曲禮曰立視五雋式視馬尾 雋曲禮

音稿貳車畢乘主人哭拜送

貳車副車也其數各視其命之等君出使異姓之士乘之

在後君弔蓋乘象輅曲禮曰乘君之乘車不敢曠左左必式

襲入即位衆主人襲拜

大夫之後至者成踊

後至布衣而後來者 疏云若未布衣時來即入前卿大夫從君之

內

賓出主人拜送

自賓出以下如君不在之儀謂如前章所陳賓出諸儀

右君臨視大斂之儀以上皆喪親第三日事

三日成服杖拜君命及衆賓不拜棺中之賜

既殯之明日全三日

始歆粥矣禮尊者加惠明日必往拜謝之棺中之賜不施已也曲禮曰生與來日疏曰引曲禮者彼註云與猶數也生數來日謂成服杖以死明日數也死數往日謂殯斂以死日數也

右成服經云三日除死日數之實則喪之第四日

朝夕哭不辟子卯

既殯之後朝夕及哀至乃哭不代哭也子卯桀紂亡日凶事不辟吉事闕

馬婦人即位于堂南上哭丈夫即位于門外西面北上

外兄弟在其南南上賓繼之北上門東北面西上門西

北面東上西方東面北上主人即位辟門

外兄弟異姓有服者也辟

開也凡廟門有事則開無事則閉疏云此外位丈夫亦哭但文不備

婦人拊心不哭

有方

事止謹器疏云方有事謂徹

主人拜賓旁三右還入

大斂奠設朝奠

拊芳甫反

門哭婦人踊

先西面拜乃南面拜東面拜也

主人朝

弔其拜之如此

拜畢乃入門主人堂下直東序西面兄弟皆即位如

外位卿大夫在主人之南諸公門東少進他國之異爵

者門西少進敵則先拜他國之賓凡異爵者拜諸其位

賓皆即此位乃哭盡哀止主人乃右還拜之如外位矣兄弟齊衰大功者主人哭則哭小功總麻亦即位乃哭

上言賓此言卿大夫明其亦賓爾少進前於列異爵卿大夫也他國卿大夫亦前於列尊之拜諸其位就其位特拜 主人入即堂下之位賓入哭其拜之如此疏云此內位不言外兄弟以其雖在主人之南少退故卿大夫繼主人而言諸公少進謂進於士此所陳位不言士之屬吏當亦在門右又在賓之後也 直音值 徹

者盥于門外燭先入升自阼階丈夫踊

徹者徹大敬之宿奠

祝取

醴北面取酒立于其東取豆籩俎南面西上祝先出酒

豆籩俎序從降自西階婦人踊

序次也

疏云祝執醴在先次酒次豆籩次俎

爲次第也

設于序西南直西榮醴酒北面西上豆西面錯立

于豆北南面籩俎既錯立于執豆之西東上酒錯復位

醴錯于西遂先由主人之北適饌

遂先者明祝不復位也適饌適新饌將復

奠

乃奠醴酒脯醢升丈夫踊入如初設不巾

入入於室也如初設

者豆先次邊次酒次醴也不巾無菹

無栗也菹栗具則有俎有俎乃巾之

錯者出立于戶西

西上滅燭出祝闔戶先降自西階婦人踊奠者由重南

東丈夫踊賓出婦人踊主人拜送

哭止乃奠奠則禮畢矣今文無拜註哭

止乃奠約略朝夕

奠之節而言也

衆主人出婦人踊出門哭止皆復位

闔門主人卒拜送賓揖衆主人乃就次

右朝夕哭奠自第四日至葬前並用此禮

朔月奠用特豚魚腊陳三鼎如初東方之饌亦如之

朔月

月朔日也自大夫以上月半又奠如初者謂大斂時

無邊有黍稷用瓦敦有蓋當

邊位

黍稷併於甌北也於是始有黍稷死者之於朔月

朝

夕之奠有醴酒豆邊而無黍稷至月朔殷奠乃有黍稷如平時常食者以下室又自有燕養之饌故雖不設黍稷而不為薄也既奠殯宮又饋下室者奠必神之所在故也

主人拜賓如朝夕哭卒

徹

徹宿奠也

舉鼎入升皆如初奠之儀卒訖釋匕于鼎俎行

訖者逆出甸人徹鼎其序醴酒菹醢黍稷俎

俎行者俎後執執俎

者行鼎可以出其序升入之次

其設于室豆錯俎錯腊特黍稷當邊位

敦啟會卻諸其南醴酒位如初當遵位俎南黍黍東稷會蓋也今文無敦疏

曰知當遵位俎南黍黍東稷者依特牲所設爲之也會古外反祝與執豆者巾乃出

共爲之也主人要節而踊皆如朝夕哭之儀月半不殷奠殷盛

也士月半不復如朔盛奠下尊者有薦新如朔奠薦五穀若時果物新出者徹朔奠

先取醴酒其餘取先設者敦啟會面足序出如入啟會不復蓋也面足執之令足間鄉前徹時也敦有足則敦之形如今酒敦其設于外如于室外序

南西

右朔月奠及薦新

筮宅家人營之

宅葬居也家人有司掌墓地兆域者營猶度也詩云經之營之

掘四隅

外其壤掘中南其壤

為葬將北首故也

既朝哭主人皆往兆南

北面免經

兆域也新營之處免經者求吉不敢純凶免如字

命筮者在主人之

右

命尊者宜由右出也少儀曰贊幣自左詔辭自右

筮者東面抽上韞兼執之

南面受命

韞藏筮之器也兼與筮執之今文無兼韞音獨

命曰哀子某為其

父某甫筮宅度茲幽宅兆基無有後艱

某甫且字也若言山甫孔甫矣

宅居也度謀也茲此也基始也言為其父筮葬居今謀此以為幽冥居兆域之始得無後將有艱難乎艱難謂有非常若崩壞也孝經曰卜其宅兆而安居之古文無兆基作期註某甫且字也且者聊且虛擬之謂以其

人無可指故曰某以虛擬之兆基域兆之基址也古文期無有後艱義意自備筮人許諾不述

命右還北面指中封而筮卦者在左

述循也既受命而申言之曰述不述

者士禮略凡筮因會命筮爲述命中封中央壤也卦者識爻卦畫地者古文述皆作術

卒筮執卦

以示命筮者命筮者受視反之東面旅占卒進告于命

筮者與主人占之曰從

卒筮卦者寫卦示主人乃受而執之旅衆也反與其屬共占之

謂掌連山歸藏周易者從猶吉也

主人經哭不踊若不從筮擇如初儀

更擇地而筮之

歸殯前北面哭不踊

易位而哭明非常疏曰朝夕哭當在阼階下西面

今筮宅來北面哭者是易位非常故也

右筮宅兆

既井椁主人西面拜工左還椁反位哭不踊婦人哭于

堂

既已也匠人爲椁刊治其材以井構於殯門外也反位拜位也既哭之則往施之窆中矣主人還椁亦以

既朝哭矣左還椁循行一週視其良楛也

獻材于殯門外西面北上請主

人徧視之如哭椁獻素獻成亦如之

材明器之材視之亦拜工左還形法

定爲素飾治畢爲成

檀弓曰既殯旬而布材與明器

經言還椁獻材在筮宅卜日之間知彼二事俱在旬內

外也

徧音遍

右哭椁哭器

卜日既朝哭皆復外位卜人先奠龜于西塾上南首有

席楚煇置于焦在龜東

楚荆也荆煇所以鑽灼龜者焦炬也所以燃火者也周禮董氏

掌共焦契以待卜事凡卜以明火煇焦遂灼其煇契以授卜師遂以役之周禮所謂焦即此焦所謂煇契即

此楚煇也

煇存悶反焦哉約反董時髓反煇音俊藝如悅反

族長涖卜及宗人吉服

立于門西東面南上占者三人在其南北上下人及執

焦席者在塾西

族長有司掌族人親疏者也涖臨也吉服服玄端也占者三人掌玉兆瓦兆原

兆者也在塾西者南面東上疏云宗人掌禮之官非卜筮者

闔東扉主婦立于其內

扉門扉也

席于闔西闔外

爲卜者也古文闔作繫闔作慶闔魚列反

宗人告事

具主人北面免經左擁之泣卜即位于門東西面

泣卜族長

也更西面當

代主人命卜

卜人抱龜燋先奠龜西首燋在北

既奠燋又執龜

以待之

疏曰卜人抱龜燋

宗人受卜人龜示高

以龜腹甲

謂從塾上抱鄉闕外待也

高起所當灼

處示泣卜也

泣卜受視反之宗人還少退受命

受泣卜命授龜

宜近受命

宜卻也

命曰哀子某來日某卜葬其父某甫考降無

有近悔

考登也降下也言卜此日葬魂神上下得無近於咎悔者乎

考父也降骨肉歸復于土也卜

得吉則體魄永

安不近於悔矣

許諾不述命還即席西面坐命龜典授

卜人龜負東扉

宗人不述命亦士禮略凡卜述命龜異龜重威儀多也負東扉俟龜之兆也

卜人坐作龜興

作猶灼也周禮卜人凡卜事示高揚火以作龜致其墨興起也

宗人受

龜示涖卜涖卜受視反之宗人退東面乃旅占卒不釋

龜告于涖卜與主人占曰某日從

不釋龜復執之也古文曰爲日

授卜

人龜告于主婦主婦哭

不執龜者下主人也

告于異爵者使人告

于衆賓

衆賓僚友不來者也外位外位中有異爵卿大夫等故就位告之

疏曰上云既朝哭皆復

卜人徹龜宗人告事畢主人經入哭如筮宅賓出拜送

若不從卜擇如初儀

右卜葬日

儀禮鄭註句讀卷十二

欽定四庫全書蒼薈要卷二千五十八

經部

儀禮鄭註句讀卷十三

濟陽張爾岐撰

既夕第十三

鄭目錄云士喪禮之下篇也既已也謂先葬二日己夕哭時與葬間一日凡朝廟日請啟期必容焉此諸侯之下士一廟其上士二廟則既夕哭先葬前三日大戴第五剛小戴第十四別錄名士喪禮

下篇第十三

既夕哭

既已也謂出門哭止復外位時

請啟期告于賓

將葬當遷柩于祖有司於是乃

請啟殯之期於主人以告賓賓宜知其時也今文啟為開請啟期主人曰在明旦有司遂以告賓

右請啟期

夙興設盥于祖廟門外

祖王父也下士祖禰共廟云此設盥亦在門外東方如大

疏

斂也陳鼎皆如殯東方之饌亦如之

皆皆三鼎也如殯如大斂既殯之奠

俵

牀饌于階間

俵之言尸也朝正柩用此牀至祖廟兩楹之間尸北首之時乃用此牀

疏云謂柩

右豫於祖廟陳饌

二燭俟于殯門外

早闇以為明也燭用蒸大曰薪小曰蒸

丈夫髻散帶垂

即位如初

為將啟變也此互文以相見耳髻婦人之變喪服小記曰男子免而婦人髻男子冠而婦

人笄如初朝夕哭門外位

據疏當云丈夫免婦人髻此或偶脫去三字註以為互見也疏又云啟殯之後雖

斬衰亦免 婦人不哭 主人拜賓入即位袒

此不蒙如初者以男子入門不

哭也不哭者將

有事止謹器也

商祝免袒執功布入升自西階盡階不升

堂聲三啟三命哭

功布灰治之布也執之以接神為有所拂仿也聲三三有聲存神也啟三三言

啟告神也舊說以為聲噫與燭入一燭入室中照徹奠一

也今文免作統 三息暫反燭於堂照 祝降與夏祝交于階下取銘置于重祝降者祝

開殯肆也也與夏祝交事相接也夏祝取銘置于重為啟肆遷之吉徹宿奠降

事交相左凶事交相右今文銘皆作名 燭入室時祝從徹宿奠降

而入徹宿奠徹奠者降至階下夏祝升取銘亦至階下故徹宿奠降

曰交階階者近東升階者近西是交相右也 夏戶雅反

祝之 踊無算主人也 此商祝拂柩用功布撫用夷衾拂

六反 開殯之時

塵也。懣覆之為其形露。柩出自肆，故拂之覆之。疏云：夷衾當隨柩入壙。註疏無懣字，圖解有懣字，似當有。

右啟殯

遷于祖用軸

遷，徙也。徙於祖朝祖廟也。檀弓曰：殷朝而殯於祖，周朝而遂葬。蓋象平生時將出必

辭尊者，軸軼軸也。軸狀如轉，轆刻兩頭為軼，軼狀如長牀，穿程前後，著金而闕軸馬大夫諸侯以上，有四周謂之輻。天子畫之以龍。重先奠從燭從柩從燭從主人從。

行之序也。主人從者

丈夫由右，婦人由左，以服之親疏為先後。各從其昭穆。男賓在前，女賓在後。此從奠啟殯時所徹去日之夕奠也。疏云：柩前後有燭，以柩車隔閭，故各有燭。以炤道及至廟，燭在前者升炤，正柩在後者在階下炤升柩。

升自西階

柩也。猶用子道不由阼也。

奠俟于下東面北上

俟，正柩也。

主人

從升婦人升東面衆主人東即位

東方之位 疏云舉主婦東面主人西面

可知又云唯主人主婦升衆主人從

柩至西階下遂鄉東階下即西面位

正柩于兩楹間用

夷牀

兩楹間象鄉戶牖也是時柩北首 疏云戶牖之間賓客之位亦是人君受臣子朝事之處父母神

之所在故於兩楹之間北面鄉之

主人柩東西面置重如初

如殯宮時也 亦如

上篇三分庭一

在南而置之

席升設于柩西奠設如初巾之升降自

西階

席設于柩之西直柩之西當西階也從奠設如初東面也不統於柩神不西面也不設柩東東非神

位也巾之者為禦當風塵 此宿奠從殯

主人踊無算

官來還依室中東面設法設之於席前也

降拜賓即位踊襲主婦及親者由足西面

設奠時婦人皆室戶西南

面奠畢乃得東面親者西面堂上迫疏者可以居房中前者主人從殯宮中降拜賓入即位袒至此乃襲未設奠時主人方在柩東設奠訖主人降拜賓婦人乃得由柩足鄉東西面也

右遷柩朝祖

薦車直東榮北輶

薦進也進車者象生時將行陳駕也今時謂之魂車輶輅也車當東榮東

陳西上於中庭

以明且將行故豫陳車乘

車道車橐車也非載柩之車

輶竹求反

質明滅燭

質正也

徹者升自阼階降自西階

徹者辟新奠不設序西南已再設為襲徹者

徹去從

乃奠如初升降自西階

為遷祖奠也奠升不由阼階柩北首辟其足

奠夙興所陳三鼎及東方之饌如初者

主人要節而踊

亦於柩西當階之上東面席前奠之

節升降 奠升時主人踊降
時婦人踊由重南主人踊也

薦馬纓三就入門北面交

轡圉人夾牽之

駕車之馬每車二足纓今馬鞅也就成也諸侯之臣飾纓以三色而三成此三

色者蓋條絲也其著之如屬然天子之臣如其命數王之革路條纓圉人養馬者在左右曰夾既奠乃薦馬者為其踐污廟中也凡入門參分庭一在南疏云此三色如聘禮記三色朱白蒼也 御者執策立

于馬後哭成踊右還出

主人於是乃哭踊者薦車之禮成於薦馬 主人哭踊訖馬則

右還

而出 賓出主人送于門外

右薦車馬設遷祖之奠

有司請祖期

亦因在外位請之當以告賓每事畢輒出將行而飲酒曰祖祖始也

日日側

側跌也謂將過中之時

主人應有司之辭

主人入袒乃載踊無算卒束襲

袒為載變也乃舉柩卻下而載之束束指於柩車賓出

遂匠納車于階間謂此車 賓出即納柩車主人送賓

返入乃載柩在堂北首今以足鄉前下堂

降奠當前束

載於車也 註無乃字案疏當有乃字

下遷袒之奠也當前束猶當尸隅也亦在柩車西東有

前後也 疏云未束以前其奠使人執之待束訖乃降

奠之當

商祝飾柩一池紐前經後緇齊三采無貝

飾柩為設

牆柩也巾奠乃牆謂此也牆有布帷柩有布荒池者象

宮室之承霤以竹為之狀如小車笄衣以青布一池縣

於柩前士不掄絞紐所以聯帷荒前赤後黑因以為飾

左右面各有前後齊居柩之中央若今小車蓋上蕤矣

以三采繒為之上朱中白下蒼著以絮元士以上有貝

飾柩在旁為牆牆有帷在上為柩柩有荒牆柩自其

縛木為格者而言帷荒自其張於外者而言池象承雷
即簷也紐垂於四隅齊者柳之頂結也 紐女九反揄

音遙雷

設披

披輅柳棺上貫結於戴人居旁牽之以備

力又反

傾虧喪大記曰士戴前纁後緇二披用纁

今文披皆為藩

以帛繫棺紐着柳骨謂之戴又以帛

繫戴而出其餘於帷外使人牽之謂之披註文輅字當

是絡

屬引

屬猶着也引所以引柩車在軸輻曰緇古者

字 人引柩春秋傳曰坐引而哭之三 引謂緇

繩屬著

於柩車

右將祖時先載柩飾柩車

陳明器於乘車之西

明器藏器也檀弓曰其日明器神
明之也言神明者異於生器竹不

成用瓦不成味木不成斷琴瑟張而不平筭筮備而不
和有鐘磬而無筍簋陳器於乘車之西則重之北也

折橫覆之

折猶廢也方鑿連木為之蓋如牀而縮者三橫者五無筭寔事畢加之壙上以承抗席橫

陳之者為苞筓以下綰於其北便也覆之見善面也折加於壙時善者鄉下今陳之反善面鄉上也 廢九

委抗木橫三縮二

抗禦也所以禦止土者其橫與縮各足掩壙 抗音剛

加抗席

三 席所以禦塵

者加於抗木之上

加茵用疏布緇翦有幅亦縮二橫

三 茵所以藉棺者翦淺也幅緣之亦者亦抗木也及其用之木三在上茵二在下象天三合地二人藏其中

焉今文翦作淺 茵設壙中先布橫三乃布縮二厝柩後施抗壙上先用縮二乃用橫三註云木三在上茵二

在下據既設後人所見而言也其實抗茵皆三者在外二者在內如渾天家地之上下周匝皆有天也故疏云

木與茵皆有天三合地二 茵音因

器西南上績

器目言之也陳明器以西行南端為上績屈也

不容則屈

茵

茵在抗木上陳器次而北也

愚意茵字

而反之

當連上績字為句言陳器當從茵屈轉而

北也不然前已

苞二

所以裹奠羊豕之肉 奠謂遣奠

筭三黍稷麥

筭

種類也其容蓋與筭同一敵也

疏云筭以

壘三醢醢

管草為之畚器所以盛種此筭與畚同類也

屑冪用疏布

冪瓦器其容亦蓋一敵屑薑桂之屑也內則曰屑桂與薑冪覆也今文冪皆作密

斛 穀音

甗二醴酒冪用功布

甗亦瓦器古文甗皆作廡

皆木桁久之

所

以庖苞筭甗也久當作灸灸謂以蓋案塞其口每器異桁

桁戶庚反

用器弓矢耒耜兩

敦兩扞槃匝匝實于槃中南流

此皆常用之器也扞盛湯漿槃匝盥器也流匝

口也今文扞為

無祭器

士禮略也大夫以上兼用鬼器人器也

有燕樂器

扞 扞音于

可也

與賓客燕飲用樂之器也

役器甲冑干笮

此皆師役之器甲冑胃兜蓋干楯笮矢箛

笮側白反鎧苦代反兜

丁侯反蓋音矛楯當允反

燕器杖笠翣

燕居安體之器也笠竹篋蓋也

翣扇 翣

所甲反

右陳器與葬具載柩陳器二事畢則日及側矣

徹奠巾席俟于西方主人要節而踊

巾席俟於西方祖奠將用馬要節者

來象升丈夫踊去象降婦人踊徹者由明器北西面既徹由重東南不設於序西南者非宿奠也宿奠必設者為神馮依之久也 此所徹遷祖之奠為將旋柩鄉外更設祖奠故遷之中席即所徹奠之中席俟者奠已東去而中席猶執以俟也 註象升象降者此奠在庭徹者無升降之事止有往來主人以其往來為踊節與徹室

中之奠升階降階者同故云象也

袒 為將袒變

商祝御柩

亦執功布居前為還柩車為節

乃

袒

還柩鄉外為行始

旋柩

踊襲少南當前東

主人也柩還則

當前東南 疏云前袒為袒變今既袒訖故踊而襲

婦

車未還之時當前東近北今還車則當前東少南

人降即位于階間

為柩將去有時也位東上 疏云云為柩將去者以堂上時婦人在阼階西

面統於堂下男子今柩車南還男子亦在車東故婦人降亦東上統于男子也婦人不鄉車西者以車西有祖奠故辟之在車後愚案婦人

袒還車不還器

袒有行漸車亦宜鄉

在車後南面故註云東上

外也器之陳自己南上

車前所薦之乘車

祝取銘置

道車橐車也陳器本自南上不須更還也

于茵

重不藏故於此移銘加於茵上

銘本

二人還重

左還

重與車馬還相反由便也 疏云車馬在中庭之東以右還鄉門為便重在門內面鄉北人在其南

以左還鄉

布席乃奠如初主人要節而踊

車已祖可以為之奠也是

之謂祖奠

疏云祖奠既與遷祖奠同車西人

薦馬如

皆從車西來則此要節而踊一與遷祖奠同

初樞動車還宜新之也

賓出主人送有司請葬期

亦因在外位時

入復位

主人也自死至於殯自啟至於葬主人及兄弟恒在內位 主人既以葬期命有司而遂入 疏云自死至於殯在內位據在殯宮中自啟至於葬在內位據在祖廟中又云始死未小斂以前位在尸東小斂後位在阼階下若自啟之後在廟位亦在阼階下也

右還柩車設祖奠

公賄玄纁束馬兩

公國君也賄所以助主人送葬也兩馬士制也春秋傳曰宋景曹卒魯季

康子使冉求賄之以馬曰其可以稱旌繁乎春秋傳

見哀公二十三年引之者証以馬賄人之事賄芳鳳

反擯者出請入告主人釋杖迎于廟門外不哭先入門

右北面及衆主人袒

尊君命也衆主人自若西面

馬入設

設於庭在重南

賓

奉幣由馬西當前輅北面致命

賓使者幣玄纁也輅轅縛所以屬引由馬西則

亦當前輅之西於是北面致命得鄉輅與奠

主人哭拜

稽顙成踊賓奠幣于棧左服出

棧謂輅車也凡士車制無漆飾左服象授人授

其右也服車箱今文棧作戰

疏云主人哭拜仍於門右

北面輅車四輪迫地無漆飾故言棧也此車南鄉以東

為左尸在車上以東為右故奠
左服象授人右也

棧士板反

宰由主人之北舉幣以

東

樞東主人位以東藏之

此時主人仍在門東北面

不得履之以過

士受馬以出

此士謂胥徒之長也有勇力者受馬聘禮曰皮馬相

故由其北也

也間可主人送于外門外拜襲入復位杖

右國君贈禮

賓賄者將命

賓卿大夫士也

疏云言將命

擯者出請

入告出告須

不迎告曰孤某須

馬入設賓奉幣擯者先入賓從

致命如初

初公使者

主人拜于位不踊

樞車東位也既啟之後與在室同疏云

始死時庶兄弟繼使人以將命于室主人拜于位此
主人亦拜于位俱是不為賓出有君命亦出迎矣 賓

奠幣如初舉幣受馬如初擯者出請賓出在外請之為其復有事 疏云

若無事實報賓致可以奠也 若奠致其堪祭之物 入告出以賓入將

命如初士受羊如受馬又請士亦謂胥徒 若賻賻之言補也助

也貨財 入告主人出門左西面賓東面將命主人出者賻主施於

主人拜賓坐委之宰由主人之北東面舉之反位坐委

之明主人哀戚志不在受人物反位 宰位在主人之後 若無器則拊受之

謂對相授不委 拊五故反 又請賓告事畢拜送入主人 贈者將命

贈送 謂以幣 若器送死者也 擯者出請納賓如初 如其入告 賓奠幣

如初 亦於棧 若就器則坐奠于陳 就猶善也 贈無常惟 訖好所有陳明器之

陳 謂乘車之西 凡將禮必請而后拜送 雖知事畢猶 陳明器之處所也 請君子不必

人 兄弟贈奠可也 兄弟有服親者可且贈且奠 所知則 許其厚也 贈奠於死生兩施

贈而不奠 所知通問相知也 降於兄弟 知死者贈知生 奠施於死者為多故不奠

者 各主於 書贈於方若九若七若五 方板也 書贈奠 所知 聘贈之人名與

其物於板每板若九 書遣於策 策簡也 遣猶送也 謂所 行若七行若五行 當藏物茵以下 疏云

聘禮記云百名以上書於策不及百名書於方以賓客 贈物名字少故書於方遣送死者明器之等并贈死者

玩好之物名字
多故書之於策

乃代哭如初

棺柩有時將去不忍絕聲也初謂既小斂時

宵

為燎于門內之右

為哭者為明門內之右門東也哭者在柩車東故於門內右照之

右賓賁奠賻贈之禮以上並葬前一日事

厥明陳鼎五于門外如初

鼎五羊豕魚腊鮮獸各一鼎也士禮特牲三鼎盛葬奠加

一等用少牢也如初如大斂奠時亦如大斂陳鼎在廟門外

其實羊左胖

反吉祭也言左胖者

體不殊骨也

特牲少牢吉祭皆升右胖此則用左體不殊骨者左邊共為一段也

髀不升

周貴肩賤

髀古文髀作脾

腸五胃五

亦盛之也疏云少牢用腸三胃三今加至五亦是盛此

髀步禮反

奠離肺

離挫少許
挫離之不絕中

豕亦如之豚解無腸胃

如之亦羊左胖髀不升離肺也豚解解之如解豚亦前
肩後肫脊脅而已無腸胃者君子不食溷腴 豚解總

有七段今取左胖則為四段豚
解無腸胃言其不與羊同者也 **魚腊鮮獸皆如初** 鮮新

士腊用兔加鮮獸而無膚者豕既豚解略之 疏云腊
與鮮皆用兔又云葬奠用少牢攝盛則當用膚與少牢

同以豕既豚解喪事略則 **東方之饌四豆脾析蜺醢葵**

無膚亦略之而加鮮獸也 **道羸醢** 羸為蝸 脾讀為雞脾肫之脾脾析百葉也蜺蜺也今文

百葉 蜺皮佳反肫 脾析牛百葉此用少牢無牛當是羊
四邊棗糗栗脯 糗以豆糗粉餌 據疏引邊人鄭註

尺之反 蟀步講反 籩實有糗餌粉糝二物此經云糗但糗餌也二物皆稻
黍米粉所為合蒸則為餌作餅熟之則為糝又糗與粉

皆大豆末初擣之則為粉熬之則為糗糝二物使不粘
着也註云以豆糗粉餌謂以豆之糗而粉此餌也餌類

皆大豆末初擣之則為粉熬之則為糗糝二物使不粘
着也註云以豆糗粉餌謂以豆之糗而粉此餌也餌類

今蒸糕養類今胡

餅 糗去九反 醴酒 此東方之饌與祖奠同在主人

祖奠與大斂奠同二豆二邊此葬奠四豆四邊邊豆雖

不同而同處耳云北上者蓋兩甌在北次南饌四豆豆

南饌四 陳器 明器也夜斂藏之 疏

遵也 云至此厥明更陳之也 滅燎執燭俠輅北

面 照徹與葬奠也 疏云輅西者 賓入者拜之 明自啟

照徹祖奠輅東者照葬奠之饌 至此主

人無 徹者入丈夫踊設于西北婦人踊 猶阼階升時也

出禮 由重東而主人踊猶其升也自重北西面而徹設

于柩車西北亦猶序西南 將設葬奠先徹祖奠 徹者

東 山柩車北東適葬奠之饌 疏云以其徹訖當設葬

奠故徹者由柩車北東適葬奠之饌取而設于柩車

也 西鼎入 舉入陳之也陳之蓋於 乃奠豆南上綰邊羸醢

也 重東北西面北上如初

南北上績

邊羸醢南辟醴酒也如疏所釋先饌脾折於西南次北脾醢醢醢東葵菹菹南羸醢是

謂南上績邊於羸醢以南為次先設棗棗南設糗糗東

設棗棗北設脯是謂北上縉邊之西脾折之南設醴酒

故註云辟

俎二以成南上不績特鮮獸

成猶併也不績者魚在羊東腊

醴酒也

在豕東古文特為俎如疏所釋以羊豕魚腊之次自

南而北而東而南迴環設之為績羊豕魚腊併設皆自

南始為不績鮮獸醴酒在邊西北上統於

在北無偶為特也豆也奠者出主人

要節而踊

亦以往來為節奠由重北西既奠由重南東疏云此奠饌在轅東言由重北者亦是由

車前明器之北鄉柝車西設之設

訖由柝車南而東者禮之常也

右葬日陳大遣奠

甸人抗重出自道道左倚之

還重不言甸人抗重言之者重既虞將埋之言其官

使守視之抗舉也出自道出從門中央也不由闕東西者重不反變於恒出入道左主人位今時有死者鑿木置食其中樹於道側由此

疏云

薦馬馬出自道車各

從其馬駕于門外西面而俟南上

南上便其行也行者乘車在前道橐序從

疏云橐下記云乘車載殮道車

載朝服橐車載衰笠是序從也

徹者入踊如初徹巾

苞牲取下體

苞者象既饗而歸賓俎者也取下體者脛骨象行又俎實之終始也士苞三个前脛

折取臂臑後脛折取髀亦得俎釋三个雜記曰父母而賓客之所以為哀 牲陳于俎其脛骨在兩端故脛骨為俎實之終始士一苞之中有三个牲體臂也臑也髀也前陳器云苞二羊豕各一苞也俎釋三个者苞取之

餘尚留三個疏以為羊俎有二段豕俎有四段
相通計之為俎釋三個留之為分禱五祀也
不以魚

腊

非正行器目葬行明器在道之次
行器運動明器使行也

茵苞器序從

如其

陳之

先後車從

次器

徹者出踊如初

於是廟中當行者唯柩車

右將葬抗重出車馬苞器以次先行鄉壙

主人之史請讀賵執算從柩東當前東西面不命母哭

哭者相止也唯主人主婦哭燭在右南面

史北面請既而與執算西

面於主人之前讀書釋算燭在右南面炤書便也古文算皆為莢

讀書釋算則坐

必釋算者

祭其多疏云讀書者立讀之

敬也釋算者坐為釋之便也

卒命哭滅燭書與算執

之以逆出

卒已也

公史自西方東面命母哭主人主婦皆

不哭讀遣卒命哭滅燭出

公史君之典禮書者遣者入壙之物君使史來讀之成其

得禮之正以終也燭使輅

讀賵讀遣皆以告死者

右讀賵讀遣

商祝執功布以御柩執披

居柩車之前若道有低仰傾虧則以布為抑揚左右之節

使引者執披者知之士執披八人今文無以引柩者執披者皆視商祝所執布以用力也

仰五即反

主

人袒乃行踊無算

袒為行變也乃行謂柩車行也凡從柩者先後左右如遷于祖之序

疏

云上遷于祖時註云主人從者丈夫由右婦人由左以服之親疏為先後各從其昭穆男實在前女實在後此

從柩向壙之序

一亦如之也

出宮踊襲

哀次 疏云大門外有賓客次舍之處父母生時接賓之

所主人至此感而哀此次是以有踊踊訖即襲襲訖而行也

至于邦門公使宰夫贈

玄纁束

邦門城門也贈送也

至壙寔訖

主人去杖不

哭由左聽命賓由右致命

柩車前輅之左右也當時止柩車 疏云在廟柩車南鄉

左則在東此出國北門柩車鄉北左則前輅之西也

主人哭拜稽顙賓升實幣于

蓋降主人拜送復位杖乃行

升柩車之前實其幣於棺蓋之柩中若親授之然復

位反柩車後 疏云賓升實幣于蓋載以之壙此贈專為死者故若親授之然又云云復位反柩車後者上在

廟位在柩車東此行

道故在柩車後也

右柩車發行及在道君使宰贈之儀

至于壙陳器于道東西北上

統於壙 疏云廟中南上此則北上故云統於壙也

茵先入

當藉柩也元士則葬用軾軸加茵焉

屬引

於是說載除飾更屬引於緘耳古文屬為燭

緘耳棺束之末結為耳以緋貫之而下棺

主人袒衆主人西面北上婦人東

面皆不哭

俠羨道為位

乃窆主人哭踊無算

窆下棺也今文窆為封 疏云

主人哭踊不言處還於壙東西面也

襲贈用制幣玄纁束拜稽顙踊如初

丈八尺曰制二制合之束十制五合 丈八尺曰制是其一端二端合為一匹束十制計五匹也此所用至邦

門公所

贈者

卒袒拜賓主婦亦拜賓即位拾踊三襲

主婦拜賓拜女

賓也即位反位也 疏云卒謂贈卒更袒拜賓云反位

者各反羨道東西位其男賓在衆主人之南女賓在衆

婦之南

拾其業反

賓出則拜送

相問之賓也凡弔賓有五去皆拜之此舉中焉 案雜記云相

趨也出官而退相揖也哀次而退相問也既封而退相

見也反哭而退朋友虞祔而退註所云弔賓有五也

藏器於旁加見

器用器役器也見棺飾也更謂之見者加此則棺柩不復見矣先言藏器乃云

加見者器在見內也內之者明君子之於事終不自逸

也檀弓曰周人牆置翣 見棺飾也棺飾惟荒池紐之

等周人名為牆其

藏苞管於旁

於旁者在見外也不言壘甒饌相次可知四者

外又置翣為飾

兩兩而居喪大記曰棺椁之間君容

祝大夫容壺士容甒

祝尺六反

加折卻之加抗席

覆之加抗木

宜次也 折陳之美面向上今用則美面向下故謂卻之註云宜次謂三者之用有

宜有次也 實土三主人拜鄉人

謝其勤勞 疏云勤勞謂在道助執紼在壙助下棺及實

土也 即位踊襲如初

哀親之在斯 疏云既拜鄉人乃於羨道東即位踊無算如初也

右窆柩藏器葬事畢

乃反哭入升自西階東面衆主人堂下東面北上

西階東面

反諸其所作也 反哭者於其祖廟不於阼階西面西方神位 反諸其所作也 檀弓文謂親所行禮之處註西方神位未詳其義抑 欲慟諸祖禰之側歟 婦人入丈夫踊升自阼階

辟主人也

主

婦入于室踊出即位及丈夫拾踊三

入于室反諸其所養也 出即位堂上

西面也 拾更也 反諸其所養也 亦檀弓文謂親所饋食之處 自小斂主婦等位皆在阼階上西面故註云出

即位堂上西面也拾踊者更迭而踊也

賓弔者升自西階曰如之何主人

拜稽顙

賓弔者衆賓之長也反而亡焉失之矣於是為甚故弔之弔者北面主人拜于位不北面拜賓

東者以其亦主人位也古文無曰字

主人拜賓于西

階上東面註云亦主人位疏云特牲少牢助祭之賓主人皆拜送于西階東面故此東面不移以其亦主人位故也未如果經意否始死拜賓于西階此反而亡亦拜賓于西階將無同歟

賓降出主人送于門外拜稽顙

疏云此於雜記五賓當

相見之賓遂適殯宮皆如啟位拾踊三

啟位婦人入升堂丈夫即中庭之位疏

云此如啟位婦人亦即位于堂東西面主人即位于堂下直東序西面直東序西面即中庭位也

兄弟

出主人拜送

兄弟小功以下也異門大功亦可以歸

衆主人出門哭止闔

門主人揖衆主人乃就次

次倚廬也

右反哭于廟于殯宮出就次於是將舉初虞之奠矣

猶朝夕哭不奠

是日也以虞易奠朝夕哭與未葬同但不奠耳大斂以來

經言葬後至練皆

朝夕有奠葬後乃不奠也註言是日謂葬之日下註所云朝而葬日中而虞是也疏以為釋不奠之故尚未是

三虞

虞喪祭名虞安也骨肉歸於土精氣無所不之孝子為其彷徨三祭以安之朝葬日中而虞不忍一

日離

三虞謂葬日初虞再虞

卒哭

卒哭三虞之後祭名始朝夕之間哀

至則哭至此祭止也朝夕哭而已

後虞之後又過剛

日舉此祭既祭則唯朝夕哭不無時哭故名其祭曰卒

哭也明日以其班祔

班次也祔卒哭之明日祭名祔猶屬也祭昭穆之次而屬之

右略言葬後儀節及喪祭之目

記

士處適寢寢東首于北墉下

將有疾乃寢於適室今文處為居于為於疏云若

不疾則在燕寢

首手又反

有疾疾者齊

正情性也適寢者不齊不居其室齊側皆反

養

者皆齊

憂也養于亮反

徹琴瑟

去樂

疾病外內皆埽

為有賓客來問也疾

甚曰病

埽素劍反

徹褻衣加新衣

故衣垢汙為來人穢惡之疏云徹褻衣據死者而言徹

褻衣謂故玄端加新衣謂更加新朝服蓋其齊時已着玄端至此更徹去易朝服也新衣不言朝服互見之也

御者四人皆坐持體

為不能自轉側御者今時侍從之人

男女改服

為賓客來

問病亦朝服二人深衣按下主人啼註於是始去冠而笄纓服深衣則此主人深衣四字義文也

以俟絕氣

為其氣微難節也續新絮

男子不絕於婦人之手婦人不

絕於男子之手

備

乃行禱于五祀

盡孝子之情五祀博言之士二祀曰門曰

行

乃卒

卒終也

主人啼兄弟哭

哀有甚有否於是始去冠而笄纓服深衣檀弓曰始

死羔裘玄冠者易之

疏云引檀

弓者證深衣易去朝服之事也

設牀第當牖衽下莞

上簟設枕

病卒之間廢牀至是設之事相變衽卧席古文第為茨第側几反

遷尸

徙於牖下

也於是幰用斂衾

疏云徙於

牖下者即上文牀第當牖者也

此據經士死于適室幰用斂衾之文而記君子正終

人子侍養之事

復者朝服左執領右執要招而左

衣朝服服未可以變方冀其生故復者

服朝服不變凶服也其所執則經所

云爵弁服也朝直遙反要一遙反楔貌如輓上兩末

事便也今文輓作厄上兩末楔屈如輓

以屈處入口使兩末向上也輓於革反綴足用燕几

校在南御者坐持之

校脛也尸南首几脛在南以拘足則不得辟戾矣古文校為枝即

牀而奠當牖用吉器若醴若酒無巾枳

牖肩頭也用吉器器未變也或

卒無禮用新酒疏云即就也謂就尸牀而設之尸南

首則在牀東當尸肩頭也又云若醴若酒科有其一不

得並用牖古

口反卒七忽反

記始死時復魂楔綴設奠諸禮中儀法器物

赴曰君之臣某死赴母妻長子則曰君之臣某之某死

赴走告也今

文赴作計

記赴君之辭

室中唯主人主婦坐兄弟有命夫命婦在焉亦坐

別尊卑也

疏云案大記士之喪主人父兄主婦姑姊妹皆坐鄭云士賤同宗尊卑皆坐此命夫命婦之外立而不坐者此謂有命夫命婦來兄弟為士者則立若無命夫命婦則同宗皆坐也

記室中哭位經所未及

尸在室有君命衆主人不出

不二主 疏云衆主人不出在尸東耳

經於君命弔襚直言主人不言衆主人故記之

襚者委衣于牀不坐

牀高由便

其隧于室戶西北面致命

始死

時也

小斂後襚于堂

者則中庭北面致命

記襚者儀位

夏祝淅米差盛之

差擇之何反盛音成

差七

御者四人抗衾而浴

禮第

抗衾為其裸裡蔽之也禮袒也袒簣去席蓋水便蓋音祿

抗音剛禮之善反

其母之喪

則內御者浴鬢無笄

內御女御也無笄猶丈夫之不冠也

設明衣婦人則

設中帶

中帶若今之禪襖
禪音視襖音衫

卒洗貝反于筭實貝柱右齒

左齒

象齒堅 卒洗洗貝也 齒謂牙兩畔最長者實
貝者實之於此以象生平齒堅也

夏

祝徹餘飯

徹去鬻 餘飯飯尸餘米也 夏
祝徹去煮之為鬻以實重鬻也

瑱塞耳

塞充
空

不同生人
但懸耳旁

掘坎南順廣尺輪二尺深三尺南其壤

南順
統於

堂輪從也今文掘為
坵以埋弃潘者

塗用塊

塊塙也古文塗為
役以煮潘者

明衣裳

用幕布袂屬幅長下膝

幕布帷幕之布升數未聞也屬
幅不削幅也長下膝又有裳於

蔽下體深也

疏云屬幅不削幅者布幅二尺二寸凡
用布皆削去邊幅旁一寸為二寸計之則此不削幅謂

縹使相著還以袂二尺二寸云
長下膝者謂為此衣長至膝下

有前後裳不辟長及蔽

不辟積也蔽足跗也凡他服短無見膚長無被
王前後裳謂前三幅後四幅也 蔽苦角反 縗 緹

一染謂之縗今紅也飾裳在幅曰緹在下曰緹 在

幅裳之側緣也 縗七絹反緹毗皮反緹他計反

緹

純

七入為緹緹黑色也飾衣曰純謂
領與袂衣以緹裳以縗象天地也

設握裏親膚繫鈎

中指結于擊

擊掌後節中也手無決者以握繫一端繞
擊還從上自貫反與其一端結之 前經

言設握言右手有決者

甸人築坵坎

築實土其中堅之
穿坎之名一曰坵

此記左手之無決者

築之坵之皆甸人也

隸人湴廁

隸人罪人也今之徒
役作者也湴塞也為

坵張鳳翔丘錦反

人復往褻之又亦鬼
神不用 湴乃結反

既襲宵為燎于中庭

宵

記沐浴含襲時職司服物自記首至此皆始死日事

也

厥明滅燎陳衣

記節 當襲之明日滅燎之時即陳小斂之衣

凡絞紵用布倫

如朝服

凡凡小斂大斂也倫比也今文無紵古文倫為輪 朝服十五升此用布亦如之

設掬

于東堂下南順齊于坵饌于其上兩甌醴酒酒在南篚

在東南順實角解四木柶二素勺二豆在甌北二以並

邊亦如之

掬今之舉也角解四木柶二素勺二為夕進醴酒兼饌之也勺二醴酒各一也豆邊二以

併則是大斂饌也記於此者明其他與小斂同陳古文角解為角柶 奠用醴酒但用二解一柶而解有四柶有二者朝夕二奠各饌其器也小斂一豆一邊大斂乃二豆二邊記云二以並言大斂奠之不同於小斂奠者

惟此也

凡邊豆實具設皆巾之

邊豆偶而為具具則於饌中之巾之加飾

也明小斂一豆一邊不巾

皆者皆東堂與奠所也二

邊二豆者饌於東堂設於奠所二處皆巾之也小斂一

邊一豆惟至設於牀東乃中

解俟時而酌柶覆加之面

之方其饌堂東時則不巾矣

解俟時而酌柶覆加之面

枋及錯建之

時朝夕也檀弓曰朝奠日出夕奠逮日

解雖豫陳必待奠時乃酌其酌醴之法既

酌醴以柶覆於解上使柄向前及其

錯於奠所則扱柶醴中錯七故反小斂辟奠不出室

未忍神遠之也辟藁奠以辟斂既斂則不出於室設于

序西南畢事而去之註不出於室設于序西南不字

貫下八字大斂辟奠及朝夕奠則皆出設于序西南矣

奠則皆出設于序西南矣

無踊節

其哀未可節也承上文小斂既

馮尸主人袒髻髮絞帶衆主人布帶

衆主人齊

大斂于

衰以下

衆主人齊

大斂于

衰以下

大斂于

衰以下

大斂于

衰以下

大斂于

大斂于

衰以下

大斂于

大斂于

衰以下

大斂于

阼 未忍便離主人位也主人奉尸斂于棺則西階上賓之

大夫升自西階階東北

面東上

視斂

既馮尸大夫逆降復位

中庭西面位上篇朝夕哭云主人

疏云

入堂下直東序西面卿大夫在其南卿大夫與

主人同西面向殯故知大夫位在中庭西面也

巾奠執

燭者滅燭出降自阼階由主人之北東

中奠而室事已

記小斂大斂二節中衣物奠設時會處所儀法

既殯主人說髦

既殯置銘于肆復位時也今文說皆作稅兒生三月鬣髮為髻男角女羈否則

男左女右長大猶為飾存之謂之髦所以順父母幼小之心至此尸柩不見喪無飾可以去之髦之形象未聞

疏引喪大記鄭註云士既殯說髦小斂說髦蓋諸侯禮士既殯諸侯小斂於死者俱三日也 鬣丁果反

三日絞垂

成服日絞要經之散垂者

冠六升外緹纓條屬厭

緹謂絰者於武

也外之者外其餘也纓條屬者通屈一條繩為武垂下為纓屬之冠厭伏也解已詳喪服篇首章緹音必

厭一

衰三升

衣與裳也

履外納

納收餘也

杖下本竹桐一也

順其性也

居倚廬

倚木為廬在中門外東方北戶

寢苦枕塊

苦編橐塊塙也

不說經帶

哀戚

不在於安

哭晝夜無時

哀至則哭非必朝夕

非喪事不言

不忘所以為親

歆粥

朝一溢米夕一溢米不食菜果

不在於飽與滋味粥糜也二十兩曰溢為米一

升二十四分升之一實

主人乘惡車

拜君命拜眾賓及有故行所乘也雜

記曰端衰喪車皆無等然則此惡車王喪之木車也古文惡作聖

白狗辟

未成豪狗辟覆笄也以狗

皮為之取其騰也白於喪飾宜古文帶為冪玉藻君

羔帶虎植陳註云帶者覆式之皮此白狗帶亦是以狗

皮覆車式 **蒲蔽** 蔽藩 謂車兩邊禦 不在

辟亡狄反 **御以蒲葦** 於驅

馳蒲葦牡蒲莖也古文葦作駟 蒲葦楊柳之堪為箭

者御者以之策馬與為蔽之蒲同名而異類 葦則留

反 **犬服** 答間兵服以犬皮為之取堅也亦白 木館 取

聲今文館為 **約綏約轡** 約繩綏所 木鑣 亦取少聲古文

館 館音管 以引升車 鑣為苞 鑣彼

留 **馬不齊髦** 齊翦也今文髦為毛主人之惡車如王之

反 木車則齊衰以下其乘素車纁車駝車漆

車與 駝 主婦之車亦如之疏布袂 袂者車裳惟於蓋

步江反 疏云疏

布袂在亦如之之下見不

與男子同 袂尸占反 **貳車白狗攝服** 貳副也攝猶

緣也狗皮緣

服差飾 服亦謂盛兵器之服

其他皆如乘車

如所乘惡車 唯白狗攝服為異也

記殯後居喪者冠服飲食居處車馬之制

朔月童子執帚卻之左手奉之

童子隸子弟若內豎寺人之屬執用左手卻之

示未用 疏云下文掃

室聚諸突故不用箕

從徹者而入

童子不專禮事

徹徹宿奠者

奠舉席埽室聚諸突布席如初卒奠埽者執帚垂末內

鬣從執燭者而東

比猶先也室東南隅謂之突比必二反突一帛反鬣音獵

燕養

饋羞湯沐之饌如他日

燕養平常所用供養也饋朝夕食也羞四時之珍異湯沐所以

洗去污垢內則曰三日具沐五日具浴孝子不忍一日廢其事親之禮於下室日設之如生存也進徹之時如

其頃 朝夕之奠與朔月之奠設于殯

朔月若薦新則

宮燕養之饌設于下室下室燕寢也

不饋于下室

以其殿奠有黍稷也下室如今之內堂正寢聽朝事常奠無黍稷故食時又饋于

下室今此殿奠自有黍稷故不須更饋也

記朔月及常日掃潔奉養之事

筮宅冢人物土

物猶相也相其地可葬者乃營之經但言筮記明其先相之乃筮之也

卜

曰吉告從于主婦主婦哭婦人皆哭主婦升堂哭者皆

止事畢經但言主婦哭不言衆婦人皆哭與哭止之節故記詳之又此條止言卜日事竊意筮宅得吉亦

當準此儀也

記筮宅卜日首末事

啟之所外內不哭

將有事為其謹囂既啟命哭古文啟為閏

昕音欣

夷牀軼軸

饌于西階東

明階間者位近西也夷牀饌於祖廟軼軸饌於殯宮其二廟者於禰亦饌軼軸焉古

文軼或作拱

疏云夷牀在祖廟軼軸在殯宮以其西

階東是同故並言之註云明階間者位近西也者以經

直云階間恐正當兩階之間故記人明之軼軸遷柩

之車其二廟者將自禰朝祖故亦饌軼軸朝祖下柩訖

明日適壙用蜃車

不復用軼軸矣

記啟殯朝祖之事

其二廟則饌于禰廟如小斂奠乃啟

祖尊禰卑也士事祖禰上士異廟下

士共廟 將啟先具此一鼎一豆一盞之奠於禰廟既
啟朝禰徹從奠乃設之至明日朝祖則設奠如大斂於
祖廟如經 朝于禰廟重止于門外之西東面柩入升自
文所陳也

西階正柩于兩楹間奠止于西階之下東面北上主人
升柩東西面衆主人東即位婦人從升東面奠升設于

柩西升降自西階主人要節而踊重不入者主於朝祖而行若過之矣門西

東面待之便也 正柩兩楹間疏以為奠位在戶牖之
間則此於兩楹間亦稍近西乃當奠位也奠謂從奠要
節而踊者奠升主人 燭先入者升堂東楹之南西面後
踊設者降婦人踊也

入者西階東北面在下照正柩者先先柩者後後柩者適祖時燭亦然互記於此疏

云此燭本是殯宮中照開殯者在道時一
在柩前一在柩後今又一并堂一在堂下
主人降即位

徹乃奠升降自西階主人踊如初

如其降拜賓至於要節而踊不薦車不從

此行 徹者徹從奠乃奠者奠其如小斂之饌也經文
朝祖時正柩設從奠訖主人降拜賓以後有徹奠設奠
哭踊之節此亦如之也

記二廟者啟殯先朝禰之儀

祝及執事舉奠巾席從而降柩從序從如初適祖

此謂朝禰

明日舉奠適祖之序也此祝執醴先酒脯醢俎從之中
席為後既正柩席升設設奠如初祝受中中之凡喪自
卒至殯自啟至葬主人之禮其變同則此
日數亦同矣序從主人以下今文無從
薦乘車鹿淺

辟干竿革靴載旌載皮弁服纓轡貝勒縣于衡

士乘棧車鹿淺

鹿夏毛也辟覆斧玉藻曰士齊車鹿帶豹植干盾也竿

矢箠也靴韁也旌旌旗之屬通帛為旌孤卿之所建亦

攝焉皮弁服者視朔之服貝勒貝飾勒有干無兵有箠

無弓矢明不用古文靴為殺旌為膳疏云此並下車

三乘謂葬之魂車

道車載朝服

道車朝夕及燕出入之車朝服日視朝之

靴息列反植音直服也玄衣素裳疏云士乘棧車更無別車而上云乘

車下云橐車此云道車雖有一車所用各異故有乘車

道車橐車之名又云士之道車而用朝

君之服不用私朝玄端服者亦攝盛也

橐車載蓑笠

散也散車以田以鄙之車蓑笠備雨服今文橐為潦凡

道車橐車之纓轡及勒亦縣于衡也田謂田獵鄙謂

巡行縣鄙

散悉但反將載祝及執事舉奠戶西南面東上卒束

前而降奠席于柩西

將於柩西當前東設之 載載柩于車卒東前而降謂舉奠者當束

柩於車將畢之前即降也奠

巾奠乃牆

牆飾柩也 即帷荒之屬

抗

席柩西為設奠先設席也

木刊

剝削之古文刊為竿 抗木必刊治之

茵著用茶實綏澤焉

茶茅秀也 綏廉

薑也 澤澤蘭也 皆取其香且御濕

茵內

葦苞長三尺

所著非直用茶兼實綏與澤

茶大奴反

一編

用便易也 以葦為苞 葦之長三尺一道編之

管筭三其實皆淪

米麥皆 湛之湯

未知神之所享不用食道所以為敬

以

祖還車不易

管草為筭其中所盛黍稷麥皆淹漬之

位

為鄉外耳未行 車乘車道車橐車 既祖則還之向外但不易初薦時位

執披者旁四人

前後左右各二人

凡贈幣無常

實之贈也玩好日贈 在所以賓客不

一旁四人共八人也

一故贈幣

凡糗不煎

以膏煎之則褻非敬
葬奠邊實有糗

無定制

記二廟者自禰適祖之儀及祖廟中薦車載柩陳器
奠贈諸事

唯君命止柩于垣其餘則否

不敢留神也垣道也曾子
問曰葬既引至於垣垣

古鄧

反 車至道左北面立東上

道左墓道東先至者在東
疏云當是陳器之南又

云以乘車道車橐車三者次

第為先後先至者乘車也

柩至于壙斂服載之

柩車
至壙

祝說載除飾乃斂乘車道車橐車之服載之不空之以
歸送形而往迎精而反亦禮之宜 服三車所載皮弁

服朝服 裳

卒窆而歸不驅

孝子往如慕反如
疑為親之在彼

笠等也

記柩在道至壙卒窆而歸之事

君視斂若不待奠加蓋而出不視斂則加蓋而至卒事

為有他故及辟忌也

卒事謂大斂奠訖乃去

記君於臣有視斂不終禮者有既斂加蓋而後至者

二者之節

既正柩賓出遂匠納車于階間

遂匠遂人匠人也遂人主引徒役匠人主載柩

窆職相左右也車載柩車周禮謂之蜃車雜記謂之圉或作輓或作搏聲讀皆相附耳未聞孰正其車之舉狀如牀中央有輓前後出設前後輅輦上有四周下則前後有軸以輓為輪許叔重說有輻曰輪無輻曰輓既

朝祖正柩於兩楹主人送賓出以此
時納柩車也 蚤市軫反軫市專反 祝饌祖奠于主人

之南當前輅北上巾之

言饌於主人之南當前輅則既
祖祝乃饌 既還柩向外祝即

饌祖奠于主人之南及還車還
重俱訖乃奠之柩車西如初

記朝祖納柩車之節與饌祖奠之處

弓矢之新沽功

設之宜新沽亦不用今文沽作古
弓矢謂入擴用器舉弓矢以例餘者 有

弭飾焉

弓無緣者謂之弭弭以
骨角為飾 弭回爾反 亦張可也 亦使
有柎 柎

樂弛則縛之於弓裏備損傷以竹為之
詩云竹柎緄膝古文柎作柴 樂音景 設依撻焉 依纏
弦也

撻弣側矢道也皆以韋為之今文撻為銛 疏云依者
謂以韋依纏其弦即今時弓猶是也撻所以撻矢命出

生時以骨為之

有鞬

鞬弓衣也以縞布為之

猴矢一乘骨鏃短衛

猴猶候也候物

而射之矢也四矢曰乘骨鏃短衛亦云不用也生時猴

矢金鏃凡為矢五分筈長而羽其一衛矢羽也矢筈

長三尺五分羽一則六寸是生時之志矢一乘軒朝中

矢羽固不短矣鞬音候鏃子木反

亦短衛

志猶擬也習射之矢書云若射之有志朝鞬也無鏃短衛亦示不用生時志矢骨鏃凡為矢前

重後輕也鄭解朝鞬也鞬與輕同軒輕中謂前後輕

重均也註凡為矢前重後輕亦欲明此軒輕中之異於

生用耳疏引周禮八夫六者前重後輕恒矢庫

矢不前重後輕非鄭意也朝音周鞬音至

記入墻用器弓矢之制

儀禮鄭註句讀卷十三

謹案卷十二第五頁後一行今文鄉為面刊本面
訛西據各本鄭注改

第六頁前六行組繫為可結也刊本組訛紐據經
及各本鄭注改

第十四頁前一行胎為迫刊本迫訛起據注疏本
改

第十七頁後五行橫者五刊本五訛三據禮記改
第二十頁後五行髻巨之反刊本巨訛豆據經典

釋文改

第二十五頁前四行祝闔戶刊本戶訛門據各本
儀禮改

第二十八頁前三行掌共燠契刊本契訛挈據周
禮董氏職改

卷十三第四頁後四行當前東刊本前訛將據經
改


第十一頁後六行由重南東刊本南東訛東南據

各本鄭注及賈疏改

第十四頁後七行大夫容士壺刊本壺訛壺據禮

記改





總校官庶吉士 臣侍 朝

校對官編修 臣朱 攸

謄錄監生 臣勵世馨